

სხვა

10 აპრილი, 1916 წ.

ფანი 12 კაპიტი.



მათრახი

იუმორისტ. ჟურნალი

1

გამოდის მხოლოდ ერთი ნომერი, რათა გამოცემის უფლება არ დაიკარგოს.

Handwritten signature or initials in red ink.



1239

ახალ-მოდიან კვერცხები

„ვიზიტები“

არავითარი აღდგომის მზადება არ დამიწყია. არც პასკა, კვერცხები, გოკი, ბატკანი და არც სხვა რამ ყელის ჩასატკბილებელი არ მოიძებოდა ჩემს ოთახში. ან კი საიდან გავაწყობდი სტოლს ამ სიძვირეში, როცა ჩემს ჯიბეში თავგებს სიმფონიური კონცერტი გაემართათ და მე კი ლოტპარ პრესმანივით მაზურკას ვთამაშობდი სიცოცხლისმიწილისაგან, მაგრამ მაინც მხიარულად შევხვდი აღდგომას. მიხაროდა, რადგან დილით ვიზიტებზედ უნდა ჩამომეგლო.

ალიონმა მოატანა, ზარებმა დაიწყეს ძინ ძინი და მეც მოვემზადე სავიზიტოდ: ხელ-პირი დავიბანე, ულვაშები საარშიყათ შემოვიკანაქე აბესალომსავით, რომ არ შემცივნოდა — ფეხზე იპაონური ტუფლები ჩავიცვი ხართიშვილივით, თავზედ დავიხვიე რაც ძველი საგები და ზეწარი მქონდა — კოწია თეატრ-ქილაძესავით და ის იყო, უნდა გამოვსულიყავი გარედ, რომ კარზედ ორი პოლიციელი მომაღდა — ქრისტე აღსდგაო! — მომაძახეს. მე ხმა არ გავეცი, ვიცოდი იმათი მუცლის ტკივილის წამალი რომ არ მქონდა; შეუქანე წარბები როგორც ერასტი გორდელაძემ იცის ხოლმე თანამშრომლებისათვის, როცა „პონორარს“ მოსთხოვენ, და არ გასულა წამი, ქუნაში ამოვყავი თავი. მოხდენილად მივადგამდი ლაჯებს — მიხა განჩილაძესავით; ჩემთვის რალაცას ვანგარიშობდი თითებზე და მივლაპარაკობდი — როგორც სოსიკო მერკვილაძემ იცის ხშირად, რომ ამ დროს რალაც ღრიანცელი მომესმა. ახალგაზრდა ყმაწვილების ჯოგი ლალიძის ქარხნის კარებთან შეჩერებულყო და ერთმანეთს თავ-პირს ამტვრევდენ — არა მე ვარ უკეთესი არა მეო. დამაღონა ასეთმა სანახაობამ, ვითომც დიდი ქირისუფალი ვიყავი მათი — იოსებ იმედისშვილისებურად დავიმოღლავე და მეფისტოფელივით წავადექი თავზე:

— ვინა ხართ ხალხნო, ამ აღდგომა დილას რომ ყაყანებთ?! — შევეკითხე გროვას.

— ჩვენ გახლავართ ქართველი პოეტები, — მიპასუხა ერთმა, — მაგრამ საქმე იმაშია, ვინ უნდა იყოს ჩვენს შორის პოეტების მეფე. ჩემის აზრით უკეთესი პოეტი ის არის ვინც რამოდენიმე ჰანგზე სწერს ლექსებს. რასაკვირველია, დემოკრატიულ პრესას დემოკრატიული ლექსები უნდა მიაწოდო, მაგრამ ისეთი ლექსიც უნდა დასწერო, შოვინისტურ ეუნალ-გაზეთებმაც სიამოვნებით მოათავსონ. პოეტ ერთ ჰანგს არ უნდა შეაბერდეს.

— ვერ დაგეთანხმები ამხანაგო, იძახოდა მეორე, — პოეტის მეფედ ის უნდა ჩაითვალოს, ვინც ზეცაში დანავარდობს და ბუნების საიდუმლოებს

იკლევს, მზეს და მთვარეს უგალობს. დედამიწაზედ ბაყაყებიც კი მღერიან, მაგრამ მათ ვინ უგლებს ყურს?!

— რას მიქვია ჰაერში ფრენა, მრავალი ჰანგი, სხვა და სხვა მიმართულება!.. შეედავა მესამე, პოეტების მეფე უნდა იდგეს ერთ ჰანგზე, უნდა უმღერდეს მუდამ მშრომელ ხალხს და რაც უნდა ამაღლდეს, ან დამდაბლდეს ქონებრივით, მან არ უნდა შესცვალოს ერთი გზა. მაგრამ პოეტს მარტო ლექსების წერა არ ეყოფა, ის უნდა შრომობდეს და არ თავილობდეს არავითარ სავაჭრო საქმეს. მან უნდა იცოდეს, პოეტობა კუქს არავის გაუძღვება და არსებობის წყაროთ სხვა ხელობაც უნდა ჰქონდეს პოეტს, რომ მიძღარმა უფრო გააშლევინოს მუხას ფრთები...

— პოეტთა მეფობას ის ვერ დაიჩემებს, ვინც მუდამ ჟამს მშრომელ ხალხს უგალობს, წარმოსთქვა მეოთხემ, პოეტი უნდა უგალობდეს სამშობლოს და ყოველ ლექსში უნდა მოიხსენიოს საქართველო. ძირს მშრომელი ხალხი, გაუმარჯოს ჩუკოპწია სამშობლოს.

— რის სამშობლო, რის ჰაერში ფრენა, რის კუქისთვის ზრუნვა!.. დაიქეკა მეხუთემ, რას არა ხუნებთ თქვე საპოეტოებო, თქვენა!.. ის რა პოეტია თუ ორატორული ნიქი არა აქვს. ვინც პოეტია და თან ორატორი, თუნდ აფერისტიც იყოს მაინც პოეტთა მეფედ უნდა ჩაითვალოს. ციც, ყმაწვილებო, ვისთან ქიმავთ ქოქსა..

შეიქნა ერთი ჩხუბი და ალიაქოთი!.. მესამოცე პოეტი ავიდა ტრიბუნაზე და ორასამდე „ჩემ რედს“ თხოულობდა, რომ თავი მგონების მეფე გამოეცხადებია. ზოგი იმასაც კი ამბობდა. ნამდვილი მეფობა მხოლოდ იმას ეკუთვნის, ვინც მუქალებს ეკურკურება და ყოველ მის ნაკვთებს ლოკავს ვარდისფერ ენითაო!..

მომწყინდა მათი ლაყობა და ისე მაგრათ გავიქნიე მათრახი რომ, პოეტების არმია მსწრაფდ დაიშალა და სულ ვირთხასავით გარბოთა ქუჩებში მეც ამეშალა პოეტობის საღერდელი, დარღმული სეპურათ გავსიცინე ერთ ფულტურისტ „მგოსანს“ ხოლო არა თვისი სიტყვებით, არამედ ჩემი საკუთარი ლექსით:

— პოეტები გამრავლდენ,
 მისის სოკოსავით,
 ზოგი კნავა კატივით,
 ზოგი ბღაფა ხბოსავით!
 ზოგი ზეცას მიიღტვის,
 ზოგი ლაფში ვარდება,
 ზოგი ვენერას ეტრფის,
 ზოგს ევა უყვარდება.
 ზოგი კიდევ მათ შორის
 მეტის-მეტად ფრანტია,

ზოგი ორატორია,
 ზოგიც კომერსანტია!..
 ყველაფერი გაძვირდა,
 არ არის იფფობა
 და მუქთად კი სწაღიათ
 პოეტების მეფობა!..

— კაცო, რა მოგივიდა, რა გაღრიალებს!..
 ბუზები ხომ არ გაწუხებებს?! ჩამძახა ვილაკამ ყურ-
 ში და თვალები ვაჭყიტე. ტახტზე ელენე დარიანი-
 სებურათ ვიყავი გადაწოლილი პირაღმა და ჩემი
 მეგობარი მათრახოსანი მადგა თავზე, ჯერ არც კი
 გათენებულიყო!..

— აი, გავიწყურეს ჩემი გამჩენი და გაღრიალოს
 ეხლანდელ მგოსნებევით დილა-საღამოს. ბუზები კი
 არა — მუზები მაწუხებებს მეგობარო!..

ეშმაკეული.

პატარა ფელეტონი.

ბრძოლის ბიულეტენი.

ბრძოლის ხანაში ვცხოვრობთ მკითხველო,
 ყველგან ომია, გარეთ თუ შინა,
 მაგრამ ქართველებს ბლომად გვყავს „გმირი“ —
 რამ დაგვალანა, რამ შეგვავშინა!!
 გარეშე მტრები ვერას დაგვაკლებს,
 შინაურებმა თუ დაგვაცალა...
 ბრძოლის ხანაში ვცხოვრობთ, მკითხველო,
 ქართველებსაც გვაქვს ღონე და ძალა.

„საქართველოში“ დაჰკრეს საყვირი:
 აახმაურეს ნალარა, ბუკი;
 ლაშქარს მოუძღვის ვინმე მხედარი —
 შანშიაშვილი, გმირი ქაბუკი.
 შეუპოვარად მიაფრენს „მერანს“,
 ტანსა უმშვენებს: ხმალი, აბჯარი,
 ამაყად მიდის, რადგან მას უკან
 დარაზმული ჰყავს ვაჭართა ჯარი.
 „სახალხოელებს“ იწვევს ბრძოლაში,
 უნდა გაჩაღდეს ომი, საზარი;
 ჩუ, ზარბაზანი გავარდა კიდევც,
 მთელმა ქალაქმა იწყო ზანზარი.

მოპირდაპირეს დაეცა მები,
 შეინძრა მთელი მამულიშვილი,
 მთავარ-სარდალი ცხენზე შესკუბდა,
 ცნობილი გმირი — ჯაჯანაშვილი.

შტაბის უფროსი „სიტყვა“ ბრძანდება,
 პლანის ამღები კი — გუდე-ვალი,
 დაუზოგველად იცავენ მამულს,
 რომ მოიხადონ სამშობლოს ვალი.
 მარჯვნივ გაგზავნეს „შეკრიკათ“ სოსო,
 მარცხნივ მშვერავათ გმირი თევდორე,
 რომელიც დადის უგზო-უკვალოდ
 და ვერ აჩერებს ღობე და ყორე!..
 გაჩაღდა ბრძოლა, შეუპოვარი,
 ბრძოლა სასტიკი და ხელ-ჩართული,
 გაჩაღდა ბრძოლა არსებობისთვის
 ჩვეულებრივი საქმე, ქართული!..
 პირველი დაკვრით „სახალხოელებს“
 დაუზიანეს მარცხენა ფრონტი,
 ტყვედ წაიყვანეს გმირი — ქიქოძე
 და მძიმედ დაჰკრეს თევდორე ღლონტი;
 მაგრამ ჯერ ბრძოლა ისევ გრძელდება,
 „საქართველოებს“ სუსტობს სურსათი,
 ფინანსიური საქმე აქვთ ცუდად
 და ეს მხარეა სისუსტე მათი.
 ენახოთ დაბოლოს ვინ გაიმარჯვოს,
 ვინ მოიხვეჭავს სახელს საგმიროს,
 ენახოთ ბრძოლაში ვინ დაეცემა,
 ვინ — ვინ დაჰკოდოს, ვინ — ვინ განგმიროს.

ბრძოლის ხანაა, — ფუტურისტებმაც
 აახმაურეს ნალარა, დაფი,
 იაშვილია მათი ბელადი —
 პირზე რო მოსდის ღორბლი და ქაფი!
 დარიანი ჰყავთ წამოწოლილი,
 სულ გასწყველიათ მოთმენის ძაფი,
 „ცისფერი ყანწით“ უკვე გადაჰკრეს
 კახურის ნაცვლად ქუჭყი და ლაფი!..
 სამარცხვინოა მათი. „გმირობა“,
 გატიტვლებულა მათი საფარი,
 ხუთიოდ დგანან „პოზიციანზე“
 და თანამგრძნობი აღარსად არი;
 მათი ბანაკი ისე სუსტია —
 უზარბაზნოთაც, დაანგრევს ქარი,
 (უფრო იმათი მკვიდრი სამყოფი
 არის გიეების თავ შესაფარი).

ბრძოლის ხანაა, ჩემო მკითხველო,
 ყოველ მხარეში გაჩაღდა ომი,
 ჩარჩები ისე შემოგვესია —
 როგორც ცხვრის ფარას მგელი და ღომი!

შემთხვევა არის, — ზრჩებით მშვივრები,
 აღარც პური გვაქვს და აღარც ღომი!..
 ბრძოლა, სასტიკი, — ქვეყნის ჩარჩებთან,
 რომ მოვიპოვოთ გამოსაძღომი ..

მათრახოსანი.



მესტერიულები.

სადღესო ღიღინი.

ღიღი ხანი არის, რომ
 შე არ დამიმღერია,
 (სასიმღერო ან რა გვაქვს —
 კარზე გვადგას მტერია),
 აბა ერთი დაფთვალათ
 რამღენი ოხერია:
 ბრძენს ის ებატონება,
 ვინც გიჟი და შტერია!

გუშინდელი ავარა
 დღეს კი კამანდერია!
 (ილიმება სირმები
 რომ გადაუკერია).
 დადის ინდაურრივით
 თავი აულერია,
 (პატრონი რომ ვარგოდეს —
 ცემით გასაბერია).

გაზეთებში ვერ ნახავ
 რაც რომ დასაწერია,
 პუბლიცისტი გამხდარა —
 გიჟი დასაქერია!

ხალხს ისინი პატრონობს
 ვინც რომ მისი მტერია
 და მოკეთე არსად სჩანს —
 გადუვლია სერია!..

ეხლანდელი ქალები
 სწორედ ვერაფერია,
 (მათი საქმიანობა
 სულ პუდრი და ფერია!)
 ისე გამოწყობილან,
 როგორც ღამის ფერია,
 იმათი ჩაცმულობა
 ორმოცდა ათ ფერია!
 ხელში რედიკული აქვთ
 თავში უფრენს მწყერია,
 და საათის ბლარსეტი
 წივზედ მოუქერია!
 თმაშიაც გაუყრიათ
 რალაც შანთის ღერია!..
 (ოჰ, ქალებო, ქალებო,
 თქვენ დაგეჰკათ კერია)

სულის მამებს იკითხავთ?
 მოუშვიათ წვერია,
 (მათი მუცლის ტკივილი
 პასკა — სეფისკვერია.)
 დრამა ფულუმს ბოკავენ —
 გაატყავეს ერია
 და დადიან მგლებივით
 მუცელ განაბერია.

ყველა სახელმწიფოსა
 დავთრები აერია!
 მთელი კაცობრიობა
 ერთმანეთს დაერია!
 ხალხს იმ რიგათ ჟღერტავენ
 თითქოს ბუზი, მწერია
 და ძლიერმა ულონოს
 აადინა მტვერია!
 ვინც რომ სუსტი გვეგონა
 დღეს ის ღონიერია
 და გმირი კი წამხდარა
 (სწორეთ გასაშტერია!)

ღიღი ხანი არის, რომ
 შე არ დამიმღერია...
 სასიმღერო ან რა გვაქვს
 კარზედ გვადგას მტერია.

გურიანთელი

ჩოხატოურისთვის

(უქლ. ნ. კ — ასულს)

ვილაც „ხუსენინ თათარი“
სწერდა „აზრში“ შენზე ნინა,*)
და რომ იგი წაეკითხე
სული ყელში მომებჯინა!
ნუ თუ ქალმა განსწავლულმა,
გავიფიქრე გულსა შინა,—
ულალატა სინდისსა და...
ასეთი რამ ჩაიდინა?
ერთხანს — კი არ დავიჯერე,
ესთქვი: სტყუის ის „ხუსენინა“,
მარა როცა ერთმა მღვდელმა
ჩემს იქვებზე ჩაიცინა...
მითხრა: ნურა გავაკვირვებს,
მართალია ყველა ესო,
დამიჯერე, თვალთ ვნახე,
რასაც „ხუსენინა“ სწერსო!..
რადას ვიქმნდი! დავრწმუნდი
და, გავიფიქრე ნუ თუ ნინა
გამოცვლილა... აღარ არის,
რაც რომ იყო იგი წინა...
და ის იყო თაღნაში უნდა
ჩამეჯდარიყავ — მომეწყინა,
მარა ამ დროს ერთი რამე
გამახსენდა — გამეცინა...
„ხუსენინა“ რომ სწერს „გამგეს“...
შენ რომ გამოგექიმაგა,
ეს ის ვაფი იქნებოდა,—
როცა დავაკვირდი კარგა,—
რომელიც, რომ „დროს მიხედვით“
ყველასთან და ყველგან ვარგა...
(ესე იგი წაველას რომ
„პროტესტები“ დაუქარგა...)
და როცა რომ მით ვერ ავნო,
(თუმც 16-ტიც საფრად ჰყავდა...)
ბოლოს ისევ შეურიდდა,
მეგობრადაც გაიხადა!
და წაველამც ხმა გაჰკმიდა,
აღარ დასძრა შემდეგ კრინტი,
მარა ეხლა იმ „თათარმა“
ოზურგეთიდან ჰკრა კვინტი!..
ეჰ, მას ვიცნობთ რაც ვაფია...
ჩემო კარგო ჩემო ნინა,
მხოლოდ შენზე ნდობის გული
ჩემი უკვე გაიყინა

*) იხ. თან. „აზრი“ № 20.

და არ გითხრა საყვედური.
გულმა აღარ მომიტმინა,
შენც და „გამგეს“ ამ საქმისთვის
ორივე ღმერთმა მოგალხინა!..

მარუა

ბრუტიანი მანეთი.

მეგობარმა მითხრა!

— თუ ბრუტიანი მანეთი ჩავივარდეს ხელში
არ დახარჯო.

— კაცო, რას ბოდავ, ბრუტიანი მანეთი რო-
მელია! მანეთიანს თვალები ვინ მისცა რომ ბრუ-
ტიანი იყოს?

მეგობარმა ვადიხარხარა.

— ბრუტიანი მანეთიანი არ იცი როგორ მი-
ნეთიანსა ჰქვიან?

— არა.

— აბა მე გეტყვი. რუსეთის ხაზინაში ყოფი-
ლა ცოტა ხნით ერთი კასნირი გვართ ბრუტი. ქა-
ლადლის ზოგიერთ მანეთიანებს აწერია ამ ბრუტის
გვარი. ეხლა ასეთ მანეთიანში იძლევიან ექვს აბაზს,
შვიდ აბაზს, მანეთ ნახევარს... შეიძლება ისეთი სუ-
ლელიც შეგვხვდეს, რომ ბრუტიანი მანეთში ორი
მანეთიც შემოგაძლიოს, მაგრამ გირჩევ არ გაყიდო.

— რატომ. რა გახთა ეგ ბრუტიანი მანეთიანი?

— ეს დიდი საიდუმლოებაა ნამდვილათ არავინ
იცის. ზოგი ამბობს, ბრუტი ნემეცი იყო და ეხლა
მთავრობასა, სურს ამ ბრუტის სახსენებელი მოსპო-
სო. ხაზინა აგროვებს ბრუტიანი მანეთიანებსა და
სწვამსო. ზოგი კიდევ ამბობს, ბრუტმა თავი ჩამოი-
ხრჩო და ამიტომ ბრუტიანი მანეთიანი იღბლიანიაო.

თუ ბრუტიანი მანეთი გაქვს ჯიბეში არაფერი
გაგიჭირდება..

ესთქვათ ბრუტიანი მანეთი გაქვს ჯიბეში თუ
გინდ ერთი მილიონი გქონია. მიბძანდი რესტორა-
ნში, მიირთვი სადილი, რაც გენებოს, ღომი ხარჩო,
ინდოურის საცივი, დოში, ხიზილალა, სუკი, რაც
გესიამოვნება, მიირთვი ღვინო კახური, სვირისა,
ჩხავერი, ოჯალეში. თუ გინდა სტუმრებიც წაიყვან-
ე თან, მერე ანგარიში მოითხოვე და ის ბრუტიანი
მანეთიანი მიეცი დანახარჯში. ბრუტიანი მანეთიანი
ისე დაუბრმავებს თვალებს რესტორანის პატრონს,
რომ ხუთი თუმანი რომ იყოს დანახარჯი, ხუთ თუ-
მანს კიდევ ხურდას დაგიბრუნებს.

ასე უბრმავეებს ყველა ვაჭარს თვალებსა ბრუ-

ტიანი მანეთიანი. ჯა თუ ქალაღლისა, ნარდისა, ქა-
დრაკისა, ლოტოსი ან დომინოს სათამაშოთ დაჯე-
ქი, მაშინ ხომ შენ ბედს ძაღლი არ დაჰყეფს. ბრუ-
ტიან მანეთიანის წაგება არ შეიძლება, იმდენ ფუ-
ლს მოიგებ, რომ საშვილიშვილოთ გეყოფა, თუ
არ გაფლანგე და გორგიჯანოვის ქალებს არ შეაქამე.
გამილიმა ბედმა და ბრუტიანი მანეთიანი ჩამი-
ვარდა ხელში. ოცში ჯამაგირი მივიღე და იმ ფუ-
ლში ბრუტიანი მანეთიანი აღმოჩნდა. სიხარულით
ცას დავეწვიე. მოუყარე თავი ჩემ ამხანაგებსა და ძმა
ბიჭებს და წავიყვანე ქალაქ გარეთ საქვიფოთ.

— აბა, თქვენი სულისა. მიირთვიოთ რაც გენ-
ბავთ. სმა ქამა დიდათ შესარგი, თმენა რა სავარგუ-
ლია. მოდი ერთი კარგა ვიქეფოთ ქია გაეხაროთ.
(თან გულში ვფიქრობდი: აბა რა მენაღვლება. ბრუ-
ტიანი მანეთიანი მაქვს ჯიბეში. იმას დაეხარჯავ და
ხურდასაც მომართმევენ. მე რასა ვკარგავ, თვალი
დაუდგეს რესტორანის პატრონს).

ვიქვიფეთ. სულ „პარიაარალო“ და „ლოთებო,
ნეტავი ჩვენა“ ვიძახეთ.

გასწორების დროც დადგა. გადაუგდე დახლი-
დარს ბრუტიანი მანეთიანი და ხურდას ჭელოდები.
რის ხურდა, რის ბრუტიანი? ვიღრე ორი თუმანი
არ წამართკეს დანახარჯი, ბალიდგან არ მიშვებდნენ,
ბიჭები კეტებით მემუქრებოდნენ. ამხანაგებიც დამე-
მღურნენ: თითო ოროლა მანეთი იშათაც გადიხადეს,
და მომამახეს: შევირცვა მასპინძლობაო.

ვიფიქრე, აქ თუ არ გასქრა, კლუბში გასქრის
მეთქი ბრუტიანი მანეთიანი. წავედი და... კარტშიაც
წაეგე, ნარდშიაც და დომინოშიაც. მეორე დღეს
ალარც ბრუტიანი მანეთიანი მქონდა ჯიბეში და არც
ერთი გროში... თვალი დაუდგეს ვინც ენდო! ბრუ-
ტიან მანეთიანს...

მ. შაკის-ფეხი

პასუხი¹⁾

სადღა არის ლექსის შადა,
გულს მასვია მე ლახვარი!
სადღა ეპოეო რითმით წყობა,
როს არ მწყალობს მუხათ ჯარი?!

¹⁾ რედაქტორს, რომელმაც ამ ნომრისათვის ჩთხო-
ვა მესტერიული თხურგეთიდგან...

მ. ც—ძე.

დემონივით ამეყულა
წინ აჩრდილი საზიზლარი
და მან გული დამიკოდა,
დამადინა ცრემლთა ღვარი!..

დამავიწყდა ტკბილი სიტყვა,
მეგობართაც-კი სალამი; —
დამავიწყდა ნეტარება,
დამავიწყდა შევების წამი...
მწუხარებას დავეწაფე,
დავიუფლე მე ვარამი;
გ-ლის წიაღს ჩამეწვითა
გესლით სავე ნალველ შხამი!..

და რა გითხრა საიმისო,
შენ რომ მთხოვე, შენ რომ გინდა?!
საოცნებო აღმაფრენა
„ცხრა მთას იქით“ გამიფრინდა..
თუ ოდესმე ჩემი გული
გამომთელდა, გაიწმინდა
და ძველებურ ნელ-ტკბილ ხმაზე
იგი კვალად აღიღინდა —

სიტყვას გაძღვევ საკადრისი
მესტერიული დაგიწერო,
გულის სიმებს ხელი გავკრა,
სანეტაროთ ავაძგერო...
ოზურგეთ-ს გასიჭირი
ზედ ავკინძო, ავაუღერო...
და მტრის გულის მოსაკვლელად
მეც ვიმღერო, შენც გამღერო!

მ. ცხეაძე*)

*) ჩემო ტურფა ცხვირიანო,
სვედამ კი არ დ-გაღონოს
გაშკლავდი ცუდ დროებას,
არ ემზგავხო უძალ-ღონოს.
მე არ მომწონს ის შენავე —
ღელვილ ზღვაში არ გაფონოს;
ვისურვებ რომ ტარტაროზმა
შენი მღერა გამაგონოს

მა—ნი



წამოდგა ზეზედ!

აღსდგა ჯვარცმული ნაზარეველი,
მსხვერპლი ქვეყნისა, ძე მარიამის;
აწ ქრისტიანთა შებას მივეცეთ
თუ კი ღირსნი ვართ მის წმინდა გვამის.

როს მაცხოვარი იუდამ გასცა
და მტარვალეობთან ის დაასმინა,
რა ჩაიბარა სასყიდლათ ვერცხლი
თითონ მაცხოვარს წარუდგა წინა

ჰკადრა: „მოძღვარო, აწ სად არიან
შენნი ერთგულნი მოწაფეები,
შენთვის სიცოცხლეს რომ არ ზოგავდენ,
იგი მოწყალე ხელმწიფეები?!”

მე იუდა ვარ, მე დავასმინე,
მე მიგვეც მტრებსა საწამებელათ,
რომ საუკუნოთ უკვდავი იყო
და ითვლებოდენ ტანჯულთა მხსნელათ.

მე იუდა ვარ, ამიერიდან
უკუნისამდენ შენთან ვიქნები,
შენ ავამალლებს გვემით სიკვდილი,
მე კი საკიცხად ხალხს შევექნები“.

და რა იესომ ჯვარცმა მიიღო,
იუდა წამსვე შევიდა ტყეში;
ვერცხლი გასტყორცნა მამებლარობის,
ხელი იტაცა თვისსა სარტყელში.

თავისვე სარტყლით თავი დაიხრჩო,
ნახეს ეკიდა დანხრჩვალი ზეზედ...
დღეს კი მის ნაცვლად მრავალი ჯურის
სხვა იუდეები წამოდგა ზეზედ!..

აღსდგა ჯვარცმული ნაზარეველი,
მსხვერპლი ქვეყნისა, ძე მარიამის;
აწ ქრისტიანთა შებას მივეცეთ
ჩირქის მცხებელნი მის წმინდა გვამის.
ან. განჯის-კარელი.

ანდერძის წერილი.

(ბრძალის ვეჟაღანს)

დასვიდანია ი პრაშაი, მოი დარაგოი, ზალა-
ტოი ი სერებრენი მაქთად. ტი ბოლში მენე ნი
უვილიშ, მე აბეზატელნათ მოკვედები, არ უნდა ამას
ნატარიუსის დაკაზატელსტვა. ქრისტიანო, ერთი სა-
ნტრიმეტრი აღგილი არ არის, რომ რაზნი—რაზნი
სისტემის ტყვია-წამალ-ბომბი-ყუმბარ ვზარვაიტს არა

შერებოდეს! აბა, ახლა შენ მიხვდი რალა, არც ისეთი
გლუპი ხარ: თუ კი ყველგან ვზარვაიტი ხდება, რა-
ზუმეცა მეც მომხვდება! მერე პატარა მაინც ვიყო.
ამოტელა ახმახი—ეშაკი ვარ. სხვისი მოსარტყმელი
მე მამხვდება, არ უნდა ამას ლაპარაკი. ეჰ, ჯანაბას
მოკვედე, რაც იქნება, იქნება. მე კი არა არწრუნი
მოკვდა და მე ვინ ვირის ეშმაკი ვარ, მაგრამ მენე
ყალკა მაქთად აღინ. ია ტაკ უმირაიუ, შტო ტვოი
ბრილიანტოვი სლოზი ნე ბუდეტ ჰადატ ნა მოი
ნესჩასნი ლიცო. ახ, ერთი შენი თვალის ქნა მილი-
ონი მიღირს, მაგრამ რა ვქნა, რომ ასე ჩუქოი სტა-
რანაში ვკვდები! ცოდო არ არის, რომ შენ სხვას
უშვრებოდენ თვალსა და მე კი საიქიოს ჯოჯობეთის
სტაროსტათ მივიღოდენ! მაქთად, პრაშუ თუ ჩემი
ლუბოვნიკი ხარ, რაც უნდა დაგიჯდეს ამ ლემქნე-
ბთან არ მიყო პაგრებენია. აქ არ დამარჩინო, მამა-
ჩემ მარტირუხასთან დამმარხე. იმ ცხონებულმა კა-
რგი ლათაიები იცოდა და იმ ქვეყნად ცოტა დარ-
დებს გადამიყრის გულიდან, ხომ იცი მე წინდახე-
დული კაცი ვარ და იმიტომ გწერამ ამ ანდერძს
წინ და წინ. რაც უნდა იყოს წინ წავდებული
სჯობია საქმე. შაიძლება გადავრჩე მაგრამ...

აბა რალა ვადამარჩენს,
კაქდი ნიშუტ სიკვდილს ველი,
პრამათ ყურთან მიგრიალებს,
მაუზერცკის ლევორველი!
საკირეში ვიწვი, დუშკა,
დავიდავე კაცი მთელი,
აქეთ რუქო, შაშკუ ხანჯალ,
იქით ბომბა საშინელი!

გაზები უდიშლიტელნი,
კრუგომ კრუპნი ზარბაზნები,
პულემეტრი უთვალავი,
პირდაპირ დასამიზნები.

სიკვდილს პირი დაუღია,
მეძებს მიქელ-გაბრიელი,
აფსუს, როგორ ჩაგვიშხამდა
არშიყობა გემრიელი!

შე შუტნიკო, შეითანო,
შენ მიყვები გულში დარდაო,
ვიცი ტვოი ჩორნი გლაზა,
ტი დრუგომუ ბუდიშ მარგათ.

მერე შავებს რომ ჩაიკვამ
კუკლასავით გამონჩდები,
ვინ იცის ვის შაიყვარებ
და ან ცოლათ ვის გაჰყვები!
ხოტბი ვიდალ პასლეღნი რაზ,
რომ გამეძლო მაინც გული,

აფსუს მიკინ, აფსუს ბიკო,
სადა გძვრება ახრათ სული!

ჩემო კუკლა, ჩემო მაქთალ,
კულა პაიდოშ, ვის დარჩები,
ვის შესცინებ, მოვხვევი,
ვისთან აღგებ და დაწვები!

აი გიდი ფინთათ ვკვდები,
ბეჭ ტევი სლოშ გენაცვალე,
პრაშუ სრაშუმ არ გათხოვდე,
გაცოცრა დამავალე.

დამიტირე, არ მამაკლო,
არც წანლილი, არც ქუმელა,
მერე რაც გსურს ისა ქენი
ტი სამ ზნაიშ ტევი დელა.

ტოლკი, დუშკა, პრაშუ აღინ:
როცა მორჩე ჩემი გლოვნა,
პამეტნიკი გამიკეთე,
ამისრულე, გოგო, თხოვნა.

ზედაც ლექსი დაწერე
გულს რომ მოხედეს იმისთანა,
პიში: ბედნი მიკინ უმერ
დილიოკი ჩუკომ სტრანა.


ზაზრაბუსტის შენდალ-ჩინით
კრუგომ გული დაიშვენა,
მაგრამ მოხედა პულამეტრი,
ფეხი ფშიკა, განისვენა.

დარჩა ობლათ ბედნი მაქთალ,
ვსები ფენჩინ გლაზ ნა სვეტი,
კრასივი კაკ ანგელ ბოკი,
ნეენი, კაკ მაისკი ცვეტი.

ჩიტატელო, გეხვეწები,
ჩემი დუშკა შაიბრალე,
და პე საწყალ მიკინას კი,
შანდობა შამომითვალე.

აბ, მაქთალ, რომ იცოდე სკოლი სლოშ ია
პალივიიუ კადა ეტა პისმო პიშუ, გული, სული, კიშ-
კი-შიშკი-ჯიგარ-ფილტვი და ვლენთა სულ ერთმა-
ნეთშია არეული, როგორც არისა, ვა შუტკა შტო-
ლი! ტი დრუგომუ ბუდიშ ცალავატ, აბნიშატ,
გლაზ დელატ, ა მენე ბედნი მიკინუ კიანქველ დო-
ლეინ კუმიტ ნა ზეშლია! დასვიდანია, მაქთალ, ბო-
ლში ნი მაგუ, სლოზი დუშუტ, აღარ შამიძლიან.
პრაშაი, მოი მალაღო ვდავა, პრაშაი ია უ.. მ...
ი...რ... ა...ი...უ დასვიდანია...

გოგია.



აპა, პასკა გემრიელი,
უპრავისთვის დანალოცი: --
„იტორიკეს“ შემოწმებით
„გემოვნება გასაოცი“...

მის ჩუქების ღირსი არის
შოლად სასკოლო კომისია:
იმათაც ხომ შეასრულეს,
თვისი ვალი და მისია!..

გერმანეს თავი ფაკუფნოთ,
აღმასხანს კი პასკის ტანი;

ლეკურით დაფასაჩუქროთ
ამბის გამჟან-გამომტანი*)...

მაგრამ ფრთხილათ! არ გავბრიყვდეთ,
არ შევეხოთ პასკის ბოლოს;—

თორემ მისმა პაჭრონებმა
იქნებ ქვითაც კი დაგვექოლოს!

„კულირენცი“

ქუთაისი.

კარიკატურა, რომელიც უნდა დახატუ-
ლიყო აქ და ვერ იბეჭდება სხვა და სხვა
მიზეზის გამო. ასეთი შინაარსის იყო:
დატვირთულია ვაგონი ფქვილით საცხე
ტომრებით, რომელზედაც გადამჯდარია
მიხეილ მოშიაშვილი. გვერდზე ქალაქის
თავი უდგას ბაირალით.

სიმღერა მიხეილ მოშიაშვილისა:

მე ვარ „კაროლი“ ფქვილისა,
მე ვარჩენ მთელსა ქუთაისს,
მე რომ არ ვყავდე ქალაქსა
მაშინ დამშვიდეს უნდა ის.

ფქვილები „ნარიადებით“
მოდის და მოდის უკლებათ,
ჩუმთ, ნიხრს ზევით თუ ვყიდი
ეს მიმაჩნია უფლებათ.

ვერავენ ვერას დამაკლებს,
აქა მყავს ჩემი ილია,
ის მე მეწევა, მე იმას,
ჩემგნით აქეს ტკბილი ძილია

მაგრამ ამ ბოლოს გამიგეს
სხვა და სხვა „მახინცია“
და ნამესნიკმა ბიბრძანა—
მიხოი ციმბირს „გნაც“-ია

ჩაეარდი სადარდებელში
და ოხრათ მრჩება ფქვილები,
მაგრამ იმედსა არ ვკარგავ
აქ არის ჩემი შვილები.

ამათაც კარგად იციან
მცხოვრებთა ტყვიის ვაძრობა,
ზოგიერთ „ვაუბატონების“
„ქანძარ-მანქარით“ გაძღობა.

პაოლ.

*) იცოცხლეთ, იმას დაშვენდეს
ლეკური კავასიური!.
ტანადობა ვოჭს მიუგავს,
მახილი აქვს მხოლოდ ყური!

მა—ნი



მ.ქ.ა.

მილოვი და აღელხანოვი.

„არკადიანი“.

(მილოვ აღელხანოვის ამბავი)

დაღვრემილა გრიგორი,
დაღრეჯილა არკადი
და გადმოსდით თვალითაგან
ცხარე ცრემლის ნაკადი.

ქურდობა დაუმტკიცეს
და რაკი დაიჭირეს,
ციხისაკენ გაგზავნეს
(თუმცა ბევრი იტირეს),
მაინც არ შეიბრაღეს
ჩვენი სოცდაგარები
და საერთო ოთახში ჩაუკეტეს კარები.

არ გავიდა იმათი
არც ზალოგი, არც ქრთამი
და რაც დღემდე მიირთვეს
სუკის მწვადი, ქათამი,

სუყველა წაანკალეს —
შავი პურით, ბორშითა,
ტანზე ქეჩის პიჯაკით,
ფეხზე — სქელი ქოშითა.

ეს ამბავი, მკითხველო,
არ გვეგონათ მასხრობა;
მეტის-მეტი სიხარბე
და თან — გაუმადლობა,

მდიდარ მილიონებსაც
კი აურევს გონებას,
რომ თავი ანაცვალოს
მის მოგებულ ქონებას!..

ერთხელ ჩვენი გრიგორი
ეტყვის თავის არკადის:
ხომ იცი ჩვენს საქმეში
სინდისი რომ არ ვადის?!

მოდო გამოვიგონათ
რამე ჩამოსათალი,
დღეს შიმშილით მოკვდება
კაცი, ალალ-მართალი.

მართალს ამბობ გრიგორი,
აზრი მოსაწონია,
მეც სულ მავაზე ფეიქრობ
და ვერ მომიგონია.

ერთი აზრი კი თავში
არ მაძლევს მოსვენებას,
ებლა შენთანც გაებედავ
მე ამის მოხსენებას:

ამ სალდათს რომ შინელი
ფეხებში ებლანდება,
(სიარულსაც კი უშლის,
გზაში ავვიანდება),
განა არ შეიძლება
მაგის ეკონომია?
(შენ ხომ იცი, გრიგორი!
ებლა ყველგან ომია!)

შენ გაქვს მათი შეკერვა
იჯარით აღებული
და მე მიკვირს რათა ხარ
აგრე პირ-დაღებული!..

ჩვენ უნდა შევამოკლოთ
ეს გძელი შინელები,
(ვითომ რა საჭიროა
ფეხებამდე გრძელები?)

თუ რომ დამეთანხმები
მაგის დროი დღეს არის,
შენ რას იტყვი გრიგორი?
(ჩემი აზრი ეს არის).

— გენაცვალე სიფათში
ჩემო არკადოსანო,
ვაჭრების უსტაბაშო
და ქალაქის ხმოსანო.

მე კაცი არ მინახავს
შენებრ გოგარის პატრონი,

მილიონებს შევიძენთ,
შევიქნებით ბატონი.

შეისრულეს განზრახვა,
მოიპარეს შინელი,
მოეფინა მთელ ქალაქს,
ამბავი საშინელი.

დღეს კი სოვდაგარები
ციხეში ბრძანდებიან
და ბუმბულის მაგივრათ
გამხმარ ძელზე წეებიან.

გრიგორი ასე ამბობს:
— ჩემო კარგო არკადო!
ჩვენი საქმე, ეტყობა,
რომ არ არის გარგადო,

მაგრამ ნუ დაღონდები,
რა გამოვა დარდითო,
(დროება ვავატაროთ
შახპატიო და ნარდითო)

ოთახი ხომ მუქთი გვაქვს,
სასმელი და საჭმელი,
არც ქვეშაგები გვიანდა,
არც ტანზე ჩასაცმელი.

მოპარული ფულები
ალარ დაგვენბარჯება,
(ეგვეც ჩვენი ბედია,
რომ ხელს გვიწყობს განგება).

— რა მომალხენს ამ დღეში,
ჩემო კარგო გრიგორო!
საფარძელში ნაჩვევმა
პოლზე როგორ ვიგორო?!

ოხრათ დამრჩა ოთახი,
ჩემი კედლის ბუხარი,
საყვარელი ცოლ-შვილი
ცრემლებ გადმომქუხარი.

ჩას რა მასმევს, თუ არ მაქვს
ბისკვიტი და სუხარი
და შენ გიკვირს რათა ვარ,
მე ასე გულ-მწუხარი?..

დაღვრემილა გრიგორი,
დაღრეჯილა არკადი
და გადმოსდით თვალთაგან
ცხარე ცრემლის ნაკადი.

ციხეში ჩააბრძანეს
ჩვენი სოვდაგარები!
ოხრათ დარჩათ ქონება,
მოპარული ფარები.

ბ. გვაზავასებური

(გ. რაბაქიძის ჭინჯზე)

ბაგრატის მთაზე მე მხარ თეძოზე
 მიწოლილი ვარ „ცის ფერა“ მოღზე.
 ყვავი შემოჯდა დიდსამრეკლოზე.
 და ძველ დიდებულ საქართველოზე
 დღეს არას ვფიქრობ.— რაა წარსული?
 რაღაც ზღაპარი, ტანჯულის სული.
 არ ვუგდებ ყურსა რიონის დუღუნს,
 წარსულზე მოთქმას, წარსულზე წუწუნს,
 ძველი გმირების საგმირო ზღაპარს
 და მონასტერებში წმინდა კელაპტარს.
 წარსულზე ფიქრს ჩემგან შორს მიდი;
 დღეს ჩვენ ბევრი გვაყავს რუსთველზე დიდი.

ჩვენ გენიოსი გვაყავს გვაშტობელი,
 ისეთი ტურფა, ვით დათვის ბელი;
 გრიგოლ და კიტა, ტიტე, ლევანი
 თაფლის სანთელი, ჩხავრის მტევანი,
 ისე ტანადნი, ვით ალვის ხენი,
 ჩენი დიდება და დამამშვენნი.
 სტკეპნიან ბულგარს დღით და ღამითა,
 არა აქვს მოცლა ერთის წამითა.
 საქვეყნო საქმეს მედგრათ წინ სწევენ,
 სხეულის საფარს ტანზე იხევენ.

მე არ მიზიდავს თქმა მათი „თქმისა“,
 მე მომწონს ტანი „დარიანისა“.
 ტანი წერწეტა, ვით ალვი რგული;
 ვნებით აშლილი მხურვალე გული,
 ძარღვებში სისხლი აღელვებული,
 ღუსენარი, გახელბული
 მივი თვალების გულამდის ატანს,
 მსურს დავეკონო იმის ღამაზე ტანს.

ბაგრატის მთაზე მე მხარ თეძოზე
 მიწოლილი ვარ „ცის ფერა“ მოღზე.
 თვალთ დამაფრინდა მე ტკბილი რული,
 ამომეძინა და სიყვარული
 ტურფა ელენე დარიანისა,
 ღორფა, ტიტველი მისი ტანისა.
 ზმარში ჩამყვა ვნებიან ქაბუკს
 და არ მასვენებს გულ წმინდა ფაფუკს.
 ზმარში ვხედავ, ოხ რასა ვხედავ
 ულად იმის თქმას განა გავებდავ?
 ურცხვე მქონდეს მე ელენესი,
 მის თქმა მაინც არ არის წესი.

ვხედავ ქუთაის, — აყვავებულა,
 ქუთათურები გატიტვლებულა.
 არც ფეხთ-საცმელი, არც ტანთსაფარი,
 არც ღამაზე ჭიპის რამ დასაფარი,
 სჩანს რომა ვასკრა თქმამ „პირველ თქმისა“,
 ეს ნაყოფია სრულიად მისა.
 განა ცუდია ეხლანდელ დროში,
 როცა ქვეყანა ჩაბმულა ომში
 და ყველაფერი ისე გაძვირდა,
 ათჯერ მე*ი ღირს წინად რომ ღირდა?...
 ტიტლიკანები ურცხვად დადიან,
 მკერდს წინ იწვევენ, თმებს განზე შლიან.
 არცერთს სიწითლევ კი არ ემჩნევა
 და მომაგონდა ადამ და ევა.
 ამაზე უფრო იყვენენ უწვრთნელი,
 რომ აიფარეს ლედვის ფურცელი?
 მათ არ იცოდენ ეკონომია, —
 მაშინ სხვა იყო, ეხლა ომია

ტკბილი სიზმარი თავს დამფარფატებს,
 სისხლსა მიღლევენს, ვნებას მიმატებს.
 ავკყევი ვნებას, მას დავემონე
 და მოდის, მოდის ტურფა ელენე.
 ისე მოხტუნავს, როგორც მთის შველი,
 ვნებით დამწვარი და მთლად შიშველი.
 მოვიდა, მკერდზე დიმაწვა ქალი,
 ყელს ჩამოშლოდა გიშრის დალალი.
 გული ატოკდა, ამიცახცახდა
 ეს ყველაფერი სიზმარში ახდა.

ტკბილი სიზმარით გამოვიტვერი,
 გამომეღვიძა, იწოდა შქერი.
 წითელი ალი თავს მოდებოდა
 და თავსაფარი შამოხეოდა.
 თვალს მოვიფშვნიტე, ვაი სიზმარო,
 არც თბილი კატა, არც დარიანი,
 მარტო ვარ, ვწვევარ ბაგრატის მთაზე
 თავ მოტვლებილი, თავ ქარიანი.

ბერი-ქედანი



გამოცანა.

I.

მე ჩემს დღეში არ მინახავს
ამ ნაირი დირექტორი!..
დირექტორობს მაგრამ... არის
„ჩინოენიკის“ თანასწორი,
დირექტორებს ისე არ ჰგავს
ის წყეული, ოჯახ-ქარი.
როგორც ძვირფასს ბედაურებს
ქეციანი ხუცის ჯარი!..

რომ „მობრძანდა“ სწავლის ფასი,
გაადიდა და გაჰზარდა...
ჯამაგირი მოიმატა
(რასაც კვრებას იმას გარდა)
თვის საქმეებს და ხალხს შორის,
ჩამოაშვებ სქელი ფარდა;
და იმ ფარდის იქით, თვისი
უფლებები, ისე ჰზარდა,
რომ დღეს მისი თვითნებობის,
სრული ჟინი იქ დამყარდა!..

II.

ახალი წლის მერვე რიცხვში,
როს თვით ლხინით მოისვენა,
ჩამოაშვებულ ფარდის იქით
ითამაშა ერთი სცენა.
ლარიბ-ლატაკ შეგვრდთ ნაწილს
მწარე დილა გაუთენა.
სწავლისათვის რომ მოვიდნენ,
არ ათქმია მათ არც ენა,
და ვით ცხვრები სასაკლაო,
კლასებიდან გამოდენა!..

და, უბრძანა თვის „სტოროკებს“
გალავნიდან გადადენონ,
ვისაც არ აქვს სწავლის ფული,
მრძანდებოდნენ, — დაისვენონ
და, რომ იმათ სასწავლებლის
კარებიც კი არ აჩვენონ!..

მსახურებმა ეს ბრძანება,
იმ წამშივე შეასრულეს.
თვის და ძალა უნებურად
ჯიუტ ბატონს* უერთგულეს...
ამ საწყლებმა იმ ჟამობით
შვილებიც კი მოიძულეს,
და უცხო და შინაური
ძალით გამოაკისრულეს!..

იმ დღეს მისმა მოქმედებამ
ამ ნაირად ჩაიარა,
მეორე დღეს კი, მშობლებმა,
მისს წინ თავი მოიყარა.
იწყეს თხოვა საშვებების
ბევრში მუხლიც მოიხარა,
მაგრამ მისს გულს სიბრალული
არას გზით არ მიეკარა!

და გოროზად, წარბ-შეკმუხვნით
„კარიდორში“ გამოვიდა.
იმათგანნი იქაც დაჰხვდა,
ვინც, რომ შიგნით ცრემლებს ჰღვრიდა...
ამან ქული მოუხადა,
უნდა ეთქვა, რაც რომ სკირდა,
მან, კი, ხელი აუქნია,
„დრო არ მაქვსო“ აუყვირდა!..
გამგის ამნაირი ქცევა,
მეტის-მეტად გამიკვირდა!
ამ დროს მისი აცხუნება
სწორედ გითხბათ რამედ ჰღირდა!..

III

რომ არ დასდვან ბრალი აქ ჩემს
შეგნებას ან უმეტრებს,
გადავსკერ რომ ეს ამბავი
მოვახსენო ეშმაკთ კრებას,
ვიმედოვნებ რომ გამოსთქვამს
თვისს მსჯავრსა და მოსაზრებას
და რამ სახარს მოუძებნის
„დირექტორი“-ს გააფთრებას
და მით დაჰხსნის ლარიბ მოზარდთ
სირგვინისგან გაოხრებას...

ნოზრევანიძე

თბიგული.

(მიბაძეა. უძღვნი ზოგიერთებს).

კოსტას სიმბთალე მოვბარე,
პარმენას — ფარისეელობა,
ორ სკამზე ჯდომა — კვერნაძეს,
(თანამედროვე ხელობა),
გაიძვერობა — რუხაძეს,
სანიტრათ მდგომიარესა,
ბრმათ დამკველობა — გრიგოლას,
(ვისილზე მგლოვიარესა).

ცვალებადობა-ლაღატი —
ფრუძეს, შესაშურები,
„ქურნალისტობა“ ვიქტორას,
(თუ „დაწყდენ ბედაურები...“)

„ეფრემს“ — გაფლანგვა, მელენტის —
 მუღმივი „ნიეტრალიობა“ (?)
 ხოლო მიშვიკოს უზომო
 ტრაბახი, — ქკუა-მწყრალობა,
 მთელი „საუნჯე რჩეულთა“,*)
 შეგკონე თაიგულათა
 და შენ მოგიძღვენ, გეკუთვნის,
 ნუ გაჯავრდები ტყულათა
 ნიშნათ გაიკცხვის, მიიღე,
 ქამელეონთა მთავარო!
 აგენტურისა მპყრობელო,
 პეტრეს ღიდებავ „ჯავარო ! **)

ბახ.

სეგდიანი სიმღერები:

სიყვარულის მონა-მსხვერპლად ქცეული,
 მარტოდ ვდგევარ, უიმედო, მწუხარე,
 არ მშორდება თავში ფიქრი წყეული,
 და თვალეზზედ — ცრემლი გადმომქუხარე,

რა შევიგნე ქვეყნის უსამართლობა,
 სატრფოს გარდა, არც ზეცა მწამს არც ხატი,
 უიმისოდ მე არ ძალ-მიძს გართობა
 და გულში მაქვს მუდამ მისი ნახატი.

მისი სახე მზესავით შევიყვარე,
 სიზმარში მას სულ ვიხუტებ ზბეში,
 მაგრამ ცხადათ, ახლოს ვერ მოვიკარე
 და მიტომაც ვცურავ ცრემლის გუბეში.

ამ ბოლო დროს, ის მარიდებს კიდევ თავს,
 უნუგეშოდ მტოვებს გულ-დასერილი;
 არ ვახსოვარ, არ კითხულობს ჩემს ამბავს,
 არც მაღირსა სასიამო წერილი.

*) გაუგებრობის თავიდან ასაცილებლათ ვაცხადებთ,
 რომ სიტყვები, — „მთელი საუნჯე“ არ ნიშნავს, თითქოს ჩვენ,
 წინასწარ, ბოროტა ვანზრახავით მიგვესაკუთრებიათ ყველა ის
 „მარგალიტები“, რომლებიც ხსენებულ პირთ ამშვენებს, —
 არამედ შეეხება მხოლოდ იმ „საუნჯეს“, რომელიც ჩვენ
 უკვე მოვიპოვეთ; მაშასადამე, დანარჩენის ქურდობას, რომე-
 ლიც მათ მოეპოებათ, ხოლო ჩვენ კი არ შევებნივართ — ვერც
 დაგვებრალებენ...

**), ამ ლექსით, თავის დროზე ავტორი მიულოცავს
 „დამსახურებულ“ იუბილეარტ დ. კიათურაში.

წინად, მუდამ იყო ჩემი ერთგული,
 როს ალერსით მომხებევდა ყელზედ კლაგს;
 ეხლა — რაკი დაიმონა ეს გული,
 ღიმილიც კი არ მაღირსა, ისე მკლაგს.

ამ ქვეყნიურ სიამეს კი იმით სთმობს,
 შემდეგ ელის რაღაც ზღაპრულ ცხონებას,
 მე ეს არ მწამს, მაგრამ ვხედავ აქვე სპობს
 ჩემი გულის საუნჯეს და ქონებას.

სატრფოვ, ჩემდა სატანჯველად გაზრდილო,
 რით დავიცხრო გულში ცეცხლის ალები!
 ვინ მომხედავს სხვა, შენს მიერ განგმირულს,
 როდესაც რომ თითონ არ გებრალები?!

ვერ ვიშორებ წყეულ სულის სევდებსა
 და დავდივარ, ავრე, პირ-ახვეული...
 დღეს თუ ვცოცხლობ, მხოლოდ შენზე ოცნებით,
 შენ გეკუთვნის ჩემი გულის რვეული.

დარღიანიძე.

საიდუმლო ბარათი*)

(ჩემი ფსევდონიმის ძებნის გამო). თ-რა გ-ვას.

მითხრეს თითქოს დამეძებდეთ
 და რა ვეჭვობ რომ მიპოვო,
 მისთვის შევთხზე ავგაროზი
 რის ტაუებაც უნდა გთხოვო.

რომ ყოველ გვარ მავნეთაგან
 ამის ძალამ დაგიფაროს
 და თვით ღმერთმაც სიყვარულის
 ჩემს გარდა ვერ შეგიყვაროს.

ენატრობ შენთან ახლოს ყოფნას,
 მარა მიჭირს მე გაბედვა
 რადგან ჩემს სიცოცხლეთ მიღირს
 ერთი შენი შემოხედვა.

ვერცხლის ტალღით მაგ თვალეგმა
 მე უდროვით მომიტაცეს
 და უგრძნობო უბრძოლველათ
 იმავე ტბების ძირში დამცეს,
 რომლის ზემოთ ტყე ხშირ მთებათ
 მამოგირტყამს ეგ წარგები,

*) ავტორს ეს ბარათი გაუგზავნია ვიღაც თ-რახათვის,
 მაგრამ ვიღაც ბოროტმა სულმა ჩვენს რედაქციას ჩაუგდო
 ხელში.

მე მის ჩრდილში ვდგევარ მუდამ
და უენო ცრემლათ ვდნები.

თუმცა სიტყვაც ვერ ვიპოვე
რომ გამოვსთქვა ჩემთვის რა ხარ,
მე მხოლოდ ვგრძნობ, რომ ამ ქვეყნათ
ჩემი სულის „დამოყნა“ ხარ.

უბეში გყავს ჩემი სული,
მე ვაგდივარ მარტო ლეში,
ნუთუ აღარ გებრალეებით
ამ უსულლო სიცოცხლეში?

ბროლის ხელში რომ გიჭირავს
შავ-ყომარალი „რედიკული“
დამწვარ გულის ბუდეს რომ გავს
იმაში დევს ჩემი გული.

სულთან გულიც რომ წამართვი
მე კი რაღა დამიტოვე?
ან სანაცვლო ყველა ამის
იცი შენგან რა ვითხოვე?

მარტო ის, რომ შემეყვარდე
მხოლოდ ამის მქონდეს ნება,
შენ კი არ გთხოვ შეყვარებას,
ეგ კანონიც არ იქნება.

რადგან ჩემი ღვთაება ხარ
სალოცავი, ჩემი რწმენა,
შენს წინ ლოჯათ დაიოქებულს
შემიძლია მე მოლხენა—

არა ერთი თვე და წელი,
თუ გსურს თელი საუკუნე,
მე გთხოვ მხოლოდ შებრალეობას
მეტს არაფერს დამერწმუნე.

მხოლოდ შენგან შებრალეობა
მიანიჭებს ჩემს სულს შვეებას.
გულს ბუდიდან ამოვარდნილს
ისევ შითვე ყოფნის ნებას.

ვითომ რაა რომ მაკოცებლო?
შენთვის საქებ-საიღიდებლათ,
ჩემს სულს და გულს მეც ვეახლო
გემსახურო გყავდე მსლებლათ.

ჩემი ტკბილი სამსახური
რაღა უნდა დავაშავო?!
ამის ღირსიც თუ აღარ ხარ
უბედურო ჩემო თავო!

ციკაბ კლდეზე გადაგჩეხავ
დაე მსხვერპლათ შევეწირო,
რომ მიჯნური ჩემის ცოდვი
ერთხელ მაინც ავატირო.

ბუტუნა.

დეპეშები.

ოზურგეთი. საქალაქო ასპარეზიდან გადაგვე-
ლო ცნობილი მოღვაწე—ხმოსანი ლომინაძე. ის
დიდხანს ავადმყოფობდა ტვინის ანთებით, რომე-
ლიც მას გაუჩინა ხუსეინაის მიერ მისი მოღვაწეო-
ბის განქიქვამ. მას დიდხანს უაქიმა ცნობილმა ქი-
რურგმა გ მუმლაძემ, მაგრამ ვერა უშველა—რა...
გამოთხოვების დღეს მეტად შინაარსიანი სიტყვა
წარმოსთქვა ხმ. თაყა ქველმოქმედმა...

იქიდანვე. მოახლოვდა ქალაქის რწმუნებულ-
თა არჩევნები... „განახლების ჯგუფი“, რომელსაც
ხელმძღვანელობს ცნობილი ბეჟან ხუნდაძე და გ.
მუმლაძე, ენერგიულათ მოქმედობს. ამ ჯგუფის სა-
ხმოსნო კანდიდატებია: ქუთაისის ქუჩაზე—ივანე
კუკულაძე, ივლ. ჯაყელი და ლავრენტი ჯაყელი.
ლაშეში გიორგი ცისკარიძე, გიორგი მუმლაძე და
კოლია შავარდნაძე; ლიხაურის ქუჩაზე—გიორგი
ჯინჭარაძე, ვალენტინ ღუმბაძე და ნესტორ ელიაძე;
კვირიკეთის ქუჩაზე—ბეჟან ხუნდაძე, გიორგი გელ-
ცმანი და კირილე კალანდაძე... დანარჩენ კანდიდა-
ტებს ჯერ-ჯერობით ცენზი ვერ უშოვებს... ჯგუფმა
პირველი საარჩევნო კრება უკვე გამართა, რომელ-
ზედაც ხმის უმეტესობით შემუშავებულ იქმნა ზე-
მოაღნიშნული სია. კრებაზე გრძობიერი სიტყვა
წარმოთქვეს ივანე კუკულაძემ და გ. მუმლაძემ..
ჯგუფის პლატფორმა ჯერ გამოქვეყნებული არაა,
მაგრამ მოსალოდნელია ამრჩევლების უმეტესობა
მაინც თავისკენ გადებიროს...

იქიდანვე. ბალ-ვეჩერები გახშირდა. განსაკუთ-
რებით ხშირათ იმართება კერძო ოჯახებში. მანდი-
ლოსნების მიერ მოღვაწეობა ფრაბი. როცა ქალები
თამაშობენ და კავარლებთან თავს იქცევენ, ქმრები
ამ დროს აკვანს არწევენ და უდევლათ აწრიალებულ
ბავშვებს უფლიან ფრაბის „რასპისანიე“ თუ რა დღეს
ვისას გაიმართება, გაკრულია მარინე ხელჭაკვასას...
ამ „რასპისანიეს“ მიხედვით 12 აპრილს გამართავს
დიდ „ვეჩერს“ ფრაბით ქ-ნი ლულუ, საღამოს გამ-
ვით მიწვეული ყავს ცნობილი პირი... 14 აპრილს
ფრაბს მოაწყობს მარინე, საღამოს მამასახლისად
იქნება გარეშე პირი... 17 აპრილს გაიმართება გრან-
დიოზული საღამო კუკუნისას, სტუმრებს მიიღებს
არა მასპინძელი კაცი... აქავე გაიმართება კამათი
ელენე დარიანის ლექსების შესახებ... აღნიშნულ
„ვეჩერებზე“ დამები კავარლებით მიდიან, ქმრებს
არა აქვთ უფლება თავიანთ ცოლებს უკავალრონ.
ეს უფლება ჩვენმა ქალებმა დიდი ბრძოლით მოი-
პოვეს... შემდეგს სხომის გაცნობებთ.

ბზიკაძე.

ორი ექმაკი.

(ჭაითურისათვის)

— სადა ხარ კაცო, ვეღარსად გნახე.

აქ ათასგვარი მოაწყვეს მახე...
ქარხნები როგორც კი ამუშავდნენ,
ზნელი ძალებიც ზე წამოშავდნენ!
ყველა ავ-სულობს, ქვემძრომობს, გმინავს,
შენ კი ჩუმათ ხარ და ყურზე გძინავს!.

— ნუ გიკვირს მაგი, გექნას მოთმენა,
უკეთეს გეტყვი, მომპაყარ სმენა:
ზოგმა მალაროც ამუშავა,
ქანქარიც ბლომათ დააქუჩავე;
პირობებიც კი დაურღვევიათ,
(თუმცა ეს მაგათ ხშირათ სჩვევიათ...)

— ახ, პირობები? მითხარი ერთი,
ნუ-თუ მაგ-ზომათ ვაუწყრათ ღმერთი...
მოსთვალე ყველა. მელა-კუდები,
გაიძვერა და საქმე ცუდები,
თუ ვინ არიან ესე „გმირები
(არა ერთ-გზობის ანაყვირები).

— ჩვენი ილიკო გეცოდინება,
ვინც წინად ხალხის „ძმობა“ ინება,
მასთან ნიკო და დარისპანია
მუშებს ტყავს აძრობს ღიღი ხანია.

ორნია კიდევ ცნობილი გვაშინა,
გიორგი, ვიქტორ, მათივე „ძმანი“.
გაიძახიან: „გმირნი“ ვართ მძლავრი
(მუშებზე გესურსო ვიყაროთ ჯავრი...)

სჩანს რალა, ომი გამოაცხადეს
რაც მოვიპოვეთ წართმევა სცადეს?
მაშ კარგი, ენახათ რაც მოხუცია,
„უ ვინ წაავოს „კონტრიბუცია“.
რომ ავადინოთ ზურგზე მტვერია,
(ჩვენიც გვაქვს მძიმე არტილერია“).
„ცეპელინები“, „ჰაერობლანი“,
მათრახის კუდი და მისი ჯანი...
„მეომრებიც“ გვყავს უკეთესები,
მხოლოდ სამხედრო გვინდა წესები...)

— გამოაცხადებთ, იგიც გვექნება:
მათრახხანის თუ კია ნება
და მოუწოდებთ ჩვენს ჯარებს, რჩეულს,
ჩვენც გავსცემთ პასუხს მტრებს შემოსეულს...
ლაფინ-ტეფოშვილი.

გამოძახილი

მუშაობა, მუშაობა,
ზამთარ-ზაფხულ, ღღე და ღამე;
თუ ცხოვრებას თლიათ ჩამოვრჩით—
რა სიცოცხლე, რა სიამე!

გაზაფხულდა, ტყე და ველი
გადამწვანდა, აყვავილდა;
სად ხართ ძმებო, მხენელ-მთესველნო,
სჩანს ყანები გაგვიწილდა.
ორ წლის მშვიდრებს თქვენსა ცოლ-შვილს
წელს ვარესი ღღე მოელის,
ვახ თუ თქვენ იქ უცხო მტვერში
კერძი ხედებით ტურა მგელის?!

ჩარჩ ვაქრუეებს დრო დაუდგათ
და ღღეს სულ იივდეს თავი,
შეერთება ხალხნო, თორემ
ლამის აგვძვრეს სული, ტყავი.

ტყის მუშებო გაიღვიძეთ,
რას მოგიტანს დარდი, ხენეშა,
ამ სვავ ყორნებს ნუ ამლიდრებს
ხეები და ჩვენი შეშა.

მასთან კოოპერატივებს
ვით თვის ოჯახს მოეხმარეთ,
თქვენს საქმეს თქვენ ჩაეჭიდეთ
ჭირისუფლოთ შინ და გარეთ.
ნუ უჯვრით ცრუ მეტყველებს
გაიძვერა მატყუარებს,
უკუავდეთ ქელებები
თორემ მტრები გაიხარებს.

ფოთის ხე-ტყის მექარხნენო,
სინდიკატი რათ შექკარით?!
ჩვენი სიმწრით ნამუშევარს
სვაგებივით რათ შეხარით?!
თქვენზე რალაც ექვევია
თუ მართალ არს აპოლონო,
გახსოვდესთ რომ ჩვენც ვართ რამე,
ნუ გგონივართ თლიათ უღონო
ფოთის მუშებს მინდა გკითხოთ—
თქვენთვის ქრისტე როს აღსდგება!
სულ აფერხედ აღარ ფიქრობთ,
მუშას მაგი ეკადრება?!
ერთმანეთის აღარ გესმით,
აღარც ღვინი, აღარც ქირი,
ბევრი გაზეთს სულ არ ეძებთ
რა გაქვთ ესდენ გასაქირი?!

მოკრძალებით ქრისტე აღსდგას
მოგილოცავთ ფოთის მამებს,
ტყემალაძე კარგად გყავდესთ
ვინ გაბედავს თქვენთვის რამეს.
ტყეებს წესი ქე ოუგეთ
თუ არ მაგრობს საცოხნელათ,
ნეტავ ხმოსნებს რა გინდოდათ
აფთიაქში მორიგ მცველათ!..

2 158 / 2
1916

ზოგიც ვარჯხართ და გამხმველით,
არ იოქმება თქვენი ძვირი,
კოოპერატივის მტრებს კი
გადაესხეს თავზედ წვირი.

ბუტუნასა მოგილოცავ —
ხოშ-გელდუმ ძმავ, ქრისტე აღსდგა!
აწ ვეთხოვი შენს სამრევლოს,
სხვისთუინ დროი დამეკარგა.


ლანჩუთში ლანის ვესტუმრო —
არ დამრჩეს უმადურათა,
(სიცრუის გუდას, სქელ შუბლას
და „სინდისიანს“ სრულათა).

ხანკოლას — მლოლავს კარის-კარ,
კლოუნ-მასხარა, ეულსა,

ამბობენ — ცულუტობაში
ხშირათ იქერენ წყეულსა.
მაგრამ გვერდს უღვას გაზეთი
ალარ მიბეჭდენ პასუხსა,
(ალბათ ნათლია-შვილობენ
და რომ გამტყუნდეს არ სურსა!)

შენც ქრისტე აღსდგა! „მათრახო“,
ჟურნალო მოხუმარეო,
სალამი თანამშრომლებსაც —
იკოცხლეთ, გაიხარეო.
მადლობა, მათრახოსანო —
რომ თავი მოგვიყარეო...
მშვიდობით ძმებო, — აწ ერთხანს
ვიქნებით მგლოვიარეო.

შხანკალა.



ამ სურათისა ახსნასა
შკითველო, არ მეკითხები?
ეს გახლავს — ქიათურაში
გაუმადლარი ვერთხები,

რომლებმაც დაუზოგველად
გამობრეს „ჩვენი ოჯახი“
და დაგერჩა მხოლოდ კედლები,
გამოცუტქნილი ოთახი!..

წყიპარტი.